




**Kaa  
tûlti**






# Kaa tûlti



**Kaa ndiraa tûltir  
bôla kisidir nani  
nooša di kandaa.**





A microscopic view of several blue, textured, rod-shaped bacteria. The bacteria are elongated and have a rough, segmented appearance. They are set against a dark blue background with some blurred elements, suggesting a shallow depth of field.

**Yuniã addimiã sã  
di turutinna kuliã  
kaga cikii. Kuliã ta  
kîši kizen ye  
nooša kuda ye  
ginna dîdii.**

Asuu tra mîkroskop  
yindiŋa, mere yuniã  
addiã sã di  
tudutinna ba dudĩga  
kaga gusu **ncendig**.  
Asuu ai kinjidi kuliã  
addimiã sã di  
turutinni.






**mîkroskop**



10



Kuliã sã di turutinnã,  
bugã ginna kaa ndiraa  
daha cikii. Yunu tra  
buĩgaa nummoo, kaa  
numaa tũllu nani uwu.  
Kaa îyi di tũllumoo,  
kuliã gura

curukugi, sabun ni  
tũllumoo, ginna  
curukugi. Kaa  
sabun ni tũlliigoo  
budi gali.



12

**Kaa tûllumme di maša  
buĩgoo, kuliã sã di  
turutinnã, nooša dîda  
cikaa, yutu buĩgi . Mara  
kisar numa duro  
tûũsug. Te kege jilla di,  
ñaana kaa hunã tûlci  
nani, bôla gisu nani,  
maši uwe.**


Yaliã addiã, maši  
wudigide kugoo,  
kaa hundaa  
tûlcindinne di  
wudoo, kiši kizen  
gisig. Kiši kizen  
gisigŋa, zina ye  
kuliã addiã sã di  
**turutinnã** ye,  
mašiĩ yutu  
wudoo, gisig.











**Maši jendirii yukoo,  
yunã yunnaa ginna  
di kuu, kaa ndiraa  
tûltur, bôla gisidir  
nani êski di maši di  
tîda.**


Ca ndira **cunduroo**  
ye, amma  
kilahanduroo ye,  
ginna maši  
budurige tigisoo,  
kaa ndiraa tûltur  
nani buda.



**Sûnguroo ye,  
wôrşinduroo ye,  
şĩĩ kolokolonduroo  
ye ginna kaa  
ndiraa tûlta.**








**Guûske durtu  
turdoo, kaa ndiraa  
sabun ni tûlta.**







**Aũ woši sũra  
yendir walla,  
ŋo huma daha  
kee nakir walla  
ešige huma  
daha kee  
nakiroo, kaa  
ndiraa sabun  
ni tũlta.**

Hur ye ôroza  
kuda ye ginna  
ye, **marau** daha  
kee nakuroo  
walla hurca  
**hunta** walla  
kîngira huntaa  
landuroo  
**(saranduroo)**  
sop kaa ndiraa  
sabun ni tûlta.





Ammaa maši  
wudoo êski di  
sabun barayindu  
kaa tûlcindig cii  
undoo **hanayingoo**,  
maši wudiŋa di kuu  
sabun barayindu  
kaa hundaa  
tûlcindig. Te bu di  
gali. Mara di  
ngilaha cenig.



**Aũ bazuũ  
ginna kaa  
hunã sabun  
ni tũlca. Kaa  
sabun ni tũllingoo,  
inda nooša  
mundaã ginna di  
ndaatide.**





